



სამაგისტრო საგანმანათლებლო პროგრამა

პროგრამის სახელწოდება	ბავშვთა და მოზარდთა ფსიქოლოგია
პროგრამის ხელმძღვანელი	თამარ ქობულაძე, ასოცირებული პროფესორი სოფიო ნადირაძე, ასისტენტი
სწავლების ენა	ქართული
მისანიჭებელი კვალიფიკაცია	ბავშვთა და მოზარდთა ფსიქოლოგიის მაგისტრი
პროგრამის მოცულობა კრედიტებით	სამაგისტრო პროგრამა აგებულია ECTS სისტემის საფუძველზე, სტუდენტზეა ორიენტირებული და ემყარება სტუდენტის აკადემიურ დატვირთვას, რომელიც საჭიროა საგანმანათლებლო პროგრამის მიზნების მისაღწევად. ბავშვთა და მოზარდთა ფსიქოლოგიის სამაგისტრო საგანმანათლებლო პროგრამა მოიცავს 120 ECTS კრედიტს, წელიწადში – 60 კრედიტს, სემესტრში – 30 კრედიტს. შესაბამისად, სამაგისტრო პროგრამის სტანდარტული ხანგრძლივობა 2 წელს ანუ 4 სემესტრს შეადგენს. სტუდენტის ინდივიდუალური დატვირთვიდან გამომდინარე, წელიწადში კრედიტების რაოდენობა შეიძლება იყოს 60-ზე ნაკლები ან მეტი, მაგრამ არა უმეტეს 75-ისა.

პროგრამის მიზანი

ბავშვთა და მოზარდთა ფსიქოლოგიის სამაგისტრო პროგრამის მიზანია კურსდამთავრებულს:

1. შესძინოს ღრმა და სისტემური ცოდნა ბავშვთა და მოზარდთა განვითარების ბიო-ფსიქო-სოციალური ასპექტების, განვითარებაზე მოქმედი რისკ-ფაქტორების და მხარდაჭერი სისტემების შესახებ.
2. შესძინოს მულტიდისციპლინური ცოდნა და უნარები ბავშვთა და მოზარდთა შეფასების, კონსულტირების, მტკიცებულებაზე დაფუძნებული ინტერვენციისა და პრევენციული მხარდაჭერის თანამედროვე მიდგომების, მათი მიკროსისტემის მნიშვნელოვან წევრებთან თანამშრომლობის პრინციპების შესახებ, რაც უზრუნველყოფს სკოლამდელი და სასკოლო ასაკის ბავშვთა კეთილდღეობას.
3. შესძინოს, ბავშვთა და მოზარდთა ფსიქოლოგიის გამოწვევების სიღრმისეული ანალიზისა და გადაწყვეტის მიზნით, პროფესიული ზეპირსიტყვიერი და წერილობითი კომუნიკაციის წარმოების უნარებისა და კვლევის სათანადო მეთოდების გამოყენებით, აკადემიური კვლევის დაგეგმვისა და განხორციელების უნარი.

4. ჩამოუყალიბოს მაღალი ეთიკური ღირებულებები და პროფესიული პრაქტიკის პრინციპები, რომელთა საფუძველზე შეძლებს შემთხვევების მართვას და ინტერდისციპლინურ გუნდში მუშაობას საჯარო, არასამთავრობო და კერძო სექტორში, კულტურული მგრძნობელობის, სოციალური სამართლიანობისა და განსხვავებულობის პატივისცემაზე დაფუძნებული მიდგომების გათვალისწინებით.

პროგრამაზე დაშვების წინაპირობა

ბავშვთა და მოზარდთა ფსიქოლოგიის სამაგისტრო საგანმანათლებლო პროგრამაზე ჩარიცხვის უფლება აქვს კანდიდატს, რომელიც ფლობს შემდეგი კვალიფიკაციებიდან ერთ-ერთს:

- ფსიქოლოგიის ბაკალავრი
- ოკუპაციური თერაპიის ბაკალავრი
- სოციალური მუშაობის ბაკალავრი
- დიპლომირებული მედიკოსი
- ფიზიკური მედიცინისა და რეაბილიტაციის ბაკალავრი

და ჩარიცხვა საერთო სამაგისტრო გამოცდების შედეგების და შიდასაუნივერსიტეტო გასაუბრების საფუძველზე ან უმაღლესი განათლების შესახებ საქართველოს კანონით განსაზღვრულ შემთხვევებში, დადგენილი წესის შესაბამისად, ადმინისტრაციული რეგისტრაციის გავლის რეგისტრაციის გავლისა და რექტორის ბრძანების საფუძველზე. შიდასაუნივერსიტეტო გამოცდებით ვლინდება ცოდნის ზოგადი დონე არჩეული სპეციალობისა და ინგლისური ენის B2 დონის ფარგლებში.

შიდასაუნივერსიტეტო გასაუბრების და გამოცდების საკითხები/ტესტები და სტუდენტთა ცოდნის შეფასების კრიტერიუმები განთავსდება უნივერსიტეტის ვებგვერდზე გამოცდების დაწყებამდე არანაკლებ ერთი თვით ადრე (www.sabauni.edu.ge).

ინგლისური ენის ტესტირებისგან თავისუფლდება კანდიდატი, რომელიც წარმოადგენს ინგლისური ენის B2 დონეზე ცოდნის დამადასტურებელ ერთ-ერთ შემდეგ საერთაშორისო სერტიფიკატს: FCE, IELTS, TOEFL, PBT, TOEFL, CBT, TOEFL, IBT, VERSANT, CERTUS. PEARSON, შესაბამისი შეფასებებით. ასევე კანდიდატი, ვისაც ინგლისურ ენაზე გავლილი აქვს საბაკალავრო ან სამაგისტრო საგანმანათლებლო პროგრამა სრულად ან სრული ერთი სემესტრი მაინც.

შენიშვნა: ყველა ზემოთ ჩამოთვლილი სერტიფიკატი განაცხადის გაკეთების დროს უნდა იყოს ძალაში და აპლიკანტს უნდა შეეძლოს მისი წარმოდგენა. ვადაგასული დოკუმენტი არ განიხილება.

ბავშვთა და მოზარდთა ფსიქოლოგიის სამაგისტრო საგანმანათლებლო პროგრამაზე მობილობის წესით ჩარიცხვა შესაძლებელია წელიწადში ორჯერ, საქართველოს განათლებისა და მეცნიერების სამინისტროს მიერ დადგენილ ვადებში, სავალდებულო პროცედურებისა და უნივერსიტეტის მიერ დადგენილი წესების დაცვით.

ბავშვთა და მოზარდთა ფსიქოლოგიის სამაგისტრო საგანმანათლებლო პროგრამაზე ჩარიცხვა, ან გადმოყვანის წესით ჩარიცხვა უცხო ქვეყნის აღიარებული უმაღლესი საგანმანათლებლო დაწესებულებიდან ხორციელდება საქართველოს განათლებისა და მეცნიერების სამინისტროს გადაწყვეტილების საფუძველზე.

მიღება

შიდასაუნივერსიტეტო მისაღები გამოცდის საკითხები და სარეკომენდაციო ლიტერატურა

საგამოცდო საკითხები ორიენტირებულია იმ საბაზისო ცოდნისა და ლოგიკური მზაობის შემოწმებაზე, რომელიც აუცილებელია ბავშვთა და მოზარდთა ფსიქოლოგიის სამაგისტრო კურიკულუმის სრულფასოვნად ათვისებისთვის.

საკითხი 1: ზოგადი ნეიროფიზიოლოგიური კანონზომიერებების გათვალისწინებით, აღწერეთ ნერვულ უჯრედებს (ნეირონებს) შორის სინაფსური გადაცემის მექანიზმი. განმარტეთ, თუ როგორ გარდაიქმნება ელექტრული იმპულსი ქიმიურ სიგნალად ნეიროტრანსმიტერების საშუალებით და რა მნიშვნელობა აქვს ამ პროცესს ადამიანის ქცევისა და ფსიქიკური ფუნქციების შესწავლისას.

- Neil R. Carlson, Melissa A. Birkett, “Physiology of Behavior”, 2022, გვ. 15-65

საკითხი 2: განმარტეთ რა არის ინტელექტი.

- რიდერი, თ. გაგომიძე.

<https://www.scribd.com/document/376344445/%E1%83%98%E1%83%9C%E1%83%A2%E1%83%94%E1%83%9A%E1%83%94%E1%83%A5%E1%83%A2%E1%83%98>

საკითხი 3: განსაზღვრეთ ის ფაქტორები, რომელიც გავლენას ახდენს ადამიანის ფუნქციონირებაზე. (ICF რიდერი. ატვირთული)

საკითხი 4: განმარტეთ ტერმინების „ნეიროგანვითარების დარღვევა“ და „სპეციალური საგანმანათლებლო საჭიროება“ არსი.

- სპეციალური მასწავლებლის გზამკვლევი.შ. ტყეშელაშვილი, ბ.კუბლაშვილი , თავი 1

საკითხი 5: განმარტეთ პროფესიული პრაქტიკის რამდენიმე ეთიკის პრინციპი, რომლის დაცვაც მნიშვნელოვანია არასრულწლოვანთან მუშაობის პროცესში

საკითხი 6: შემთხვევის ანალიზი